



高祖紀作平

九國志卷七

後蜀

高祖

後主

追封楚王葬洛陽	六月也京四十七	廣政汴京改封秦國公越七日	主名昶字保元初名仁贊知祥第三子明德元年	陵和六為明成祖	十蜀宗都壻也孟名年唐同光三年入蜀至後主廣政	六為明成祖	十蜀宗都壻也孟名年唐同光三年入蜀至後主廣政	二高祖	十祖	八自後唐同光三年入蜀至後主廣政	後唐同光三年入蜀至後主廣政
追封楚王葬洛陽	六月也京四十七	廣政汴京改封秦國公越七日	主名昶字保元初名仁贊知祥第三子明德元年	陵和六為明成祖	十蜀宗都壻也孟名年唐同光三年入蜀至後主廣政	六為明成祖	十蜀宗都壻也孟名年唐同光三年入蜀至後主廣政	二高祖	十祖	八自後唐同光三年入蜀至後主廣政	後唐同光三年入蜀至後主廣政

九國志卷七

後蜀

趙季良

宋路振撰

季良字德彰濟陰人父肩唐穀熟令季良幼涉書史長於吏治尤善騎射王檀聞其名辟為保義軍節度推官揚師厚鎮鄴署元氏令徙魏州都督府司錄參軍後唐莊宗入鄴召見與語以季良有文武才略即授大理評事依舊司錄參軍克義勝都指揮使軍中謀議多以諮之時兵革屢興屬邑租賦逋欠一日莊宗召至切責之季良對曰殿下何時當平河南莊宗正色曰爾掌輿賦而稽緩安問我勝負乎季良曰殿下謀攻守復務急徵一旦衆心有變恐河南非殿下所有莊宗歛容前席曰微君之言我幾失吾

本傳作逋負

大計自是益加禮遇遷興唐府少尹司錄參軍如故嘗夢
手扶御座自謂輔佐之象繇是頗述天時人事以諷莊宗
深納其言及即位授光祿少卿兼洛南水陸營田都制置
使明宗即位遷太僕卿會宰相任圜兼鹽鐵事薦季良為
判官明年授檢校戶部尚書為西川官告使兼三川都轉
運制置使知祥素重其名一見遂悅奏留為節度副使累
表不許會李嚴來為監軍知祥深懷疑慮乃誅嚴而署季
良為副使天成三年明宗下詔徙季良為果州團練使知
祥匿其詔書密上表留之明宗不能奪遂允其請自是傾
心接待情好款洽或入謁稍晚知祥必顧左右曰副使來
何遲也及至則讌語竟日每有謀議無不見從時朝廷以
夏魯奇李仁矩分鎮遂闡季良言于知祥曰朝廷增兵二

鎮張倚角之勢將有不測之變也公處親賢之地以忠信
見疑倘失先機則禍不旋踵矣知祥曰計將安出季良曰
我甲兵雖衆然而勢孤易動請與東川董璋合從先平遂
闡則朝廷兵至我無內顧之憂矣知祥從之及王師入劍
門而遂闡已平果無功而還及捷書至知祥匿之謂季良
曰北軍漸逼奈何季良徐曰北軍至隰州已來必遁知祥
問其故對曰縣師千里饋運不繼彼勞我逸不支何待知
祥大笑以捷書示之及克黔夔二州以季良為武泰軍節
度使董璋率衆入廣漢知祥領兵拒之季良留守成都制
置經度軍用無闕先是季良嘗與知祥從容語及璋植性
狼戾下多怨憤若堅守一城攻之難克矣及聞璋起兵知
祥憂形於色季良曰璋不守巢穴自來送死此天以璋授

公也俄而璋果敗加檢校太保明宗崩知祥建號加特進
守司空平章事弘文館大學士判三司視叢位加守司徒
領山南節度使行興元尹廣政九年卒年六十四謚文肅
季良性寬厚居常無喜愠之色母早亡事從母如所生季
札季友皆從弟也並實位清顯所上遺表言不及私蜀人
躓之三卷一萬八千一百
十六第九頁

趙庭隱

庭隱開封人世為鄉家庭隱少知兵律尚氣義始事梁祖
子友亮因擊鞠墜馬死庭隱董璋等十數人皆追赴汴州
知其無過竟釋不問令給事左右末帝即位唐莊宗入鄴
兩河對壘十有餘年時庭隱為邢州都監累立戰功節度
使劉重霸嫉之誣庭隱將所部兵降于莊宗因械送汴州

宋史作太原人
蜀將札作開封人

末帝知其非罪又重違邊臣之請乃貶庭隱于南陽未幾
追復舊職王彥章守中都庭隱在其軍中及彥章敗庭隱
為莊宗所獲將以就戮大將夏魯奇奏曰此姓也其材可
用遂釋之魏王繼岌討西川以庭隱為先鋒監押自入敵
境即禁兵士燒廬舍剽財物蜀人德之魏王平成都錄其
功奏授左廂馬步軍都指揮使知祥至蜀康延孝陷漢州
遣庭隱率兵擊破之擒延孝檻送關下知祥奏加檢校司
空漢州刺史因留屯成都長興初明宗將議伐蜀乃以夏
魯奇李仁矩分鎮遂聞以分其勢知祥令庭隱與李仁罕
張業率步騎十萬經略遂聞魯奇堅壁不出戰會唐師入
劔門知祥急召庭隱令統銳兵五千至東川與董璋合兵
以拒之至中路大寒士卒不能前庭隱撫諭勞問將卒皆奮

遂營于普安深溝固柵以養銳一日唐師奄至又分兵斷
三亞父水及土橋庭隱密遣軍中善射者五百人伏唐師
之歸路乃領軍出營久而不戰至暮唐師退庭隱縱兵追
之伏卒齊起表裏合擊唐師大敗初唐師之入劔門也內
有堅壁外有勍敵遠近震駭及庭隱之捷人心乃安知祥
遣使慰勞賜書以褒之明年別將平魯奇唐師至葭萌而
還庭隱班師知祥親勞于郊翌日至其第錫賚甚厚即授
招武軍節度使留後以鎮過葭萌知祥送于北郊親舉觴
以勸之在鎮踰月上言三泉餘寇盡去乞假一旅之師以
拓漢中及秦鳳之地知祥荅書慰勉且令休息董璋襲廣
漢將攻成都時東川廩歲充寔部下多敢死之士其來也
衆皆畏之知祥親督諸將召庭隱為副以率勵士旅璋遣

通鑑作雞群五代史作
雞距

書庭隱而詐達于知祥以書授庭隱投書褚中曰此必反
間之辭不足觀也俟擒董璋而後閱之與璋戰雞蹤橋前
頗為所挫庭隱偽遁璋逐之知祥與公鐸領兵繼進璋軍
亂不成列庭隱復整陳與知祥公鐸合擊之璋軍大敗斬
首數千級璋領數騎遁歸東川為部下所殺庭隱追至東
川頓兵城下以待知祥梓州平以庭隱為節度使會李仁
罕自遂州至求領東川庭隱將讓之知祥以庭隱功多且
怒仁罕之貪悞遂自領兩川節度使以庭隱為保寧軍節
度使以閬果蓬渠開五州隸之昶襲位李仁罕求總六軍
將圖非望以庭隱為六軍副使以制之未幾仁罕誅改衛
聖諸軍指揮使明年移鎮東川廣政初加中書令庭隱久
居大鎮積金帛鉅萬窮極奢侈不為制限營構臺榭後徒

日數千計十年被病懇讓兵柄疏再上從之仍就第冊為
宋王經歲不能起賜肩輿入朝既謁見昶感動涕泣賜金
沃盥及繒錦加太師卒年六十六子崇祚崇韜卷一萬三
千八百

趙崇韜

在德平至玉吸安而退
云一搦趙危德平於廣
政十三年周師威即位
平廣政二年崇韜敗
周師于平惟廣政十八
年周人謀取平風流主
以崇韜為都監拒周師
時我軍皆縹緲形如白
破崇韜周師退去自此
合是十一年死二年也

崇韜少驍勇有父風累從征討有功署副兵馬使及庭隱
卒昶以崇韜領衛聖諸軍使以襲父任廣政二年周師復
至境上昶以崇韜與控鶴指揮使袁可鈞同為北面招討
崇韜率勵將士行陣整肅士卒有黥其額為斧形者號曰
破柴周師前鋒屢為崇韜所破至歸安而退二十七年王
師來伐崇韜與李廷珪等率兵拒之遇王師于漢源崇韜
策馬先登我師大敗崇韜力戰不止兵器皆斷折猶手擊

授後主存紀及存傳

殺數人為王師所擒卷一萬八千一百
三十六第十一頁

張業

業開封浚儀人性沈厚有果斷事梁為東頭供奉官時兩
河兵革未息業頻領監護之任皆立戰功法令峻整士卒
畏之莊宗入洛聞業有幹略擢為列校繼岌伐蜀以業監
先鋒兵補右廂馬步軍都指揮使蜀平以所部兵駐成都
知祥入蜀奏授檢校司空簡州刺史時蜀漢賊盜羣起燒
劫鎮戍百姓驚擾知祥遣業率兵捕之業令五家為小保
五十家為大保旬日之內擒獲殆盡討夏魯奇于遂州以
功授寧江軍節度使兵馬留後董璋襲成都業在夔州聞
之率所部赴難東川平正授節鉞加檢校太傅明德初領
右匡聖步軍都指揮使會武定興元兩鎮來附令業將兵

本傳作左

二萬屯漢水業至褒梁分布寨柵控扼駱谷秦鳳諸隘會
武定軍衙將與蒲谷鎮將任漢議同謀導晉師入武定業
遣戍卒擊走之昶襲位改武信軍節度使同平章事是歲
昶殺判六軍事李仁罕業仁罕之甥也昶慮其為變詔歸
本道未幾召入依舊同平章事兼判度支新收征稅多為
主吏乾後業作盜稅法犯者十倍征之吏民不堪其命業
多視事私第中宰相之門被桎梏者常滿昶知之遽除十
倍之法業子繼昭好擊劍常與淨衆寺僧歸信同訪劍術
士右左匡聖指揮使孫漢韶與業不協告業與繼昭同謀不
軌翌日令壯士就都堂擊殺之年五十七卷一萬八千一
百三十六第十

武漳

漳字巨川太原文水人父王汾州別駕漳少勇敢善騎射
事莊宗為定塞都虞候莊宗以全軍援澤潞漳與裨將數
攻其別寨斬首千餘級擢太原衙前兵馬使改匡聖軍指
揮使同光初從魏王繼岌入蜀因留成都知祥鎮蜀補衙
內右第二指揮使天成初漳與張公鐸迎瓊華公主于北
都中國兵革之後盜賊充斥漳披堅執銳通夕不寐至蜀
改左第二指揮使奏授檢校僕射其後東討果閬北拓劍
利漳屢有功授絳州刺史知祥開國改邛州遷山南節度
使漳以褒中用武之地營田為急務乃鑿大洫以導泉源
溉田數千頃人受其利入為奉靈肅衛指揮使未幾改山
南加同平章事廣政七年卒於治所年六十四漳質厚儉
約所至有治迹俸入之外不營貨產蜀人稱之卷一萬八
千一百三

李罕

肇汝陰人。環唐神策兵馬使肇少以材勇從父征伐後
 隸左建牙都頭累轉陝虢馬步軍都指揮使莊
 宗平賊後河洛割宣武一軍隸于河東時知祥為北京
 留守待之甚厚同光中以所部兵從魏王繼岌討蜀蜀平
 班師康延孝至普安叛擁衆回據廣漢肇在其伍中延孝
 敗肇被俘而知祥親釋其縛擢為衙內都指揮使未幾奏
 授嘉州刺史長興初我師圍夏魯奇于遂州唐師來援劔
 門不守肇領兵赴普安以拒唐師不得進以功改漢州刺
 史駐軍緜谷明年董璋率兵攻成都軍勢甚盛遣使致書
 於肇諭以禍福肇素不知書擲之於地曰此不過勸我叛

本傳作傳

爾因并其使殺之梓州平加昭武軍節度使昶襲位肇以
 足疾不即時來朝昶怒罷其兵權授太子少師致仕于邛
 州安置塙坎不得意廣政八年卒年七十卷一萬八千一
百三十六第十
三頁

李仁罕

仁罕字德美陳留人少隸宣武軍為小校容貌瓌偉梁祖
 為四鎮節度署為衙內昭宗幸鳳翔梁祖遣仁罕奔問行
 在因修貢禮梁祖革命補宮苑儀鸞等使歷許蔡華三州
 馬步軍都指揮使莊宗伐蜀令監先鋒軍知祥領鎮奏授
 馬步軍都指揮使康延孝叛知祥命仁罕討平之以功授
 彭州刺史遷蜀州夏魯奇鎮遂州稟朝廷之命繕治兵甲
 將圖蜀知祥與董璋謀先討魯奇令仁罕攻遂州授之以

仁罕為兵馬留後未幾承制授武信軍節度使又以所部
兵定三峽走夔將安崇院知祥卒遺命仁罕輔政昶嗣位
令判六軍事仁罕奉幼主無隱情自以先朝舊老遇事必
諫時控鶴指揮使張公鐸內醫韓繼勳豐德庫使韓保貞
弓箭庫使安思謙等皆昶在東府時舊所親狎素不為仁
罕所禮皆懷怨怒每譖仁罕欲納王衍妃徐氏為側室遂
誣以姦昶大怒俟仁罕入謁令武士擊殺之年六十二卷
萬八千一百三十六第十四頁

李延厚

延厚洛州平恩人父及唐邢州別駕延厚少有膽略善騎
射從父琮為洛州節度使率眾歸于梁祖延厚亦從焉梁
補左拱辰指揮第二都頭後唐同光中以所部兵從魏王

按後主在杞以德元
年秋七月高祖堯祖
襲位冬十月文景謀
叛延厚討平之又解
文州圍此志倒亂

入蜀改馬軍右驍銳第一指揮使康延孝入漢州知祥遣
延厚率精兵二千會李仁罕往討之將行延厚集將卒於營
中誓之曰今出師征討不三旬必破賊乃立功圖賞之日
也士卒有誓報國恩不以家為慮者立東廂哀疾怯懦厭
為征行者立西廂無自苦也得請行者七百人逐延孝西
寨斬首百餘級竟拔其城以功奏授檢校右散騎常侍改
右廂馬軍都指揮使歷陵果州刺史源州押衙文景琛叛延
厚討平之岐軍逼文州延厚率眾赴援即日解其圍昶襲
位遷雅州刺史永平軍節度使未幾移鎮昭武軍廣政九
年卒年六十一卷一萬八千一百三十六第十四頁

張公鐸

公鐸太原樂平人父頊唐儀州兵馬使公鐸身長七尺個

本傳及石表作按
聖

儻有節義好文史之學知祥為北京留守錄為親從及出鎮成都補為牙校從高敬柔迎公主於晉陽轉義勝定遠都知兵馬使董璋舉兵襲我廣漢先鋒兵將至成都公鐸率諸軍從知祥逆戰於雞蹤橋我師不利公鐸率所部兵力戰直衝其腹璋兵大敗梓州平以功授簡州刺史遷奉聖控鶴都指揮使知祥病公鐸與趙季良趙廷隱李肇等同受遺命輔政祖襲位授保寧軍節度使為政嚴猛寮吏畏憚時承前蜀之弊獄訟繁多案牘堆積公鐸量其所犯隨意裁決無不稱當在任六年民被其惠先是屬邑連歲多逋租公鐸詰其由乃豪民猾胥乾沒賦稅時令佐已有授代者公鐸悉勒止之令盡徵其租而後解由是不數月徵錢糧數萬貫斛時論以為嚴而不殘遷寧江軍節度使公

鐸馭下嚴正宿衛二十餘年宮禁寧謐初染心病昶憂之為玉局洞開靈寶壇親署青詞以醮焉廣政八年卒年六十二

卷一萬八千一百三十六第十五頁

張虔釗

虔釗遼州榆社人父簡唐檢校尚書左僕射虔釗少以武勇事唐武皇莊宗之世累補左右突騎軍使莊宗嘗以偏師取鎮陽命虔釗率騎果為前鋒屢挫賊銳遂陷其城明宗即位以虔釗有將帥才擢為隨駕親軍都指揮使歷遼春二州刺史天成中鎮定節度王都阻兵連結契丹為邊患命虔釗為北面行營兵馬都監進討契丹殺傷甚衆虜不敢南下遂圍定州百日而城陷斬王都降其餘衆師還以功遷橫海軍節度使未幾移鎮山南兼西面諸州馬步

軍都部署應順初閔帝即位以鳳翔節度使潞王從珂有異志發兵討之詔虔釗為犄角師次岐陽人心離散降于從珂虔釗憤之乃退歸南鄭率孫漢韶以山南之地納款于蜀知祥遇之甚厚委以節鉞祖襲位加中書令歷左右匡聖馬步軍都指揮使出為昭武軍節度使及漢祖即位乃移鎮梁州以觀朝廷之變會晉昌軍節度使趙匡贊鳳翔節度使侯益俱謀歸蜀遂以虔釗為北面行營招討使應接經畧俄而趙匡贊侯益請昶出師掠定三秦因命虔釗與韓保貞等總師五萬出散關雄武軍節度使何重建出隴右奉饗肅衛都虞侯李廷珪出子午谷會于雍州廷珪始出子午谷聞匡贊為王景崇所逼棄城自拔東去遂先退師時虔釗福誠保貞師次陳倉謀不相協而侯益聞匡

贊已去廷珪班師亦誠款中變閉壘不出司天監趙延樞累以雲氣侯不利諷于保貞保貞惑之乃與福誠率所部取隴州道會重建歸蜀虔釗留寶雞以勢孤不可深入遂班師士卒夜發部伍不整至興州自以功業不成感憤而卒年六十六

卷一萬八千一百三十六第十五頁

潘仁嗣

仁嗣浮陽東光人父廷訓密州都指揮使仁嗣少倜儻尚氣起家為保義軍兵馬使後唐魏王繼岌西伐仁嗣以所部兵從入蜀蜀平改左右廂馬步軍都指揮使知祥受節鉞留在麾下康延孝襲漢州知祥遣仁嗣率兵救之連破數寨遂屯於漢州董璋興兵趨成都城外皆為敵境仁嗣以所部兵陣于赤水璋以全軍二萬擊之仁嗣大敗以十數

騎潰圍而出身被十餘鎗卧于血中及璋敗獲免知祥親
至其第以藥傅之明德二年奏授武定軍節度使源壁等
州觀察營田處置等使之任卒于成都年四十六卷一萬
八千一
百三十六
頁

龐福誠

署下物有脫字
福誠河東太谷人少善騎射倜儻交結豪俠傾竭家產中
原兵亂福誠聚徒鄉里剽掠縣鎮知祥為北都留守署昭
為太谷主簿令招諭福誠因相率歸附從知祥入蜀補衙
內指揮使王師陷劔門從趙廷隱率兵據石橋福誠夜領
兵數百人循水次東北上山攻王師夾其腹背王師不虞
其至舉軍驚擾因奮擊破之以功遷茂州刺史知祥建國
加檢校右散騎常侍昶襲位歷資縣邛三州刺史奉靈肅

按下有脫字

衛馬步軍都指揮使會張虔釗經畧秦中以福誠為行營
馬步軍都虞候克寶雞分兵吳山進攻隴州以歸改左驍
騎軍都指揮使武寧軍節度使廣政十五年授衛上將軍
以目疾罷卒年七十一卷一萬八千一百
三十六第
十六頁

李彥琦

彥琦字子溫京兆長安人本姓楊氏祖父皆隸神策軍彥
琦善騎射有權畧唐中和初鳳翔李茂貞委以心腹之任
易姓李氏齒于諸子後昭宗西幸梁祖迎駕攻逼岐下者
累年及昭宗東還長圍方解大軍之後府庫空竭彥琦請
使甘州以通回鶻往復二載美王名馬相繼而至所獲萬
計茂貞賴之劉知俊自靈武班師途經長城嶺梁將率精
銳數萬躡其後彥琦與俊同設方畧擊敗之潞王之守岐

下也諸道將急攻其壘彥琦時在圍中罄家財以給軍用
潞王篡位以功授檢校太傅知河陽軍府事俄授鎮州兵
馬留後晉祖入洛彥琦罷職而歸家財素厚乃閉閤自奉
游心釋氏專務散施廣政十年王景崇納款于蜀彥琦因
歸成都授左將軍維州刺史卒年八十八卷一萬八千一
百三十七第二頁

孫欽

欽幽州安次人性忠烈善騎射少遇亂隸安義軍節度使
克榭內都頭後改補合州衙內都頭兼土客都虞候從本
州刺史徐章入蜀會知祥鎮成都長興初轉克右截山都
頭董璋來寇戰雞蹤橋有功遷普州刺史昶襲位累遷東
川武德軍左奉聖都指揮使廣政十五年令以所部兵北

征欽將行白于都監王承丕承丕將謀亂欲害判軍府事
郭延鈞曰詰朝當領部卒二千人甲冑閱於雄義營欲與
府公觀之欽未知其由從容謂承丕曰卒閱習舊皆木刀
竹鎗今都監令執帶噐甲將士臨行又是詔旨或有不虞
如何承丕遂止又明日欽已具行裝入辭承丕承丕正之
同詣府中謁延鈞及延鈞送承丕上馬承丕願指數卒擊
殺延鈞自稱准詔虔置軍府事即據府廳指揮放諸司罪
人分遣將枝領兵屯果閬縣劔州拒守劔門關發帑廩以
賞將士自辰至巳亡命之後應募而至者千餘人明日大
會將校寮屬欽言于衆中曰郭延鈞既抵朝憲遠近未知
其由公受命權總留務願出詔書以示軍府承丕曰作好
官何問詔書欽知其已叛乃紿之曰州城內外人情未安

願為公督部下兵以伺察之因躍馬而出承丕連呼不止
馳至本軍立召將士告其事遂率眾往趨府中承丕左右
皆奔散因擒斬之傳首成都加檢校太子賓客二十五年
寢疾卒年七十二卷一萬八千一百
三十七第一頁

何重建

重建其先回紇之別部居雲朔間祖胤慶父懷福後後唐
武皇世著勲闕因家于太原重建初事晉祖為奉德軍馬
都指揮使歷驩睦曹三州刺史檢校司徒會延州節度使
丁審琪殘暴貪冒蕃部苦之重建以所部兵攻其城審琪
遁去晉祖即以重建權節度兵馬留後下車諭以威福邊
民安堵就加彰武軍節度使累遷涇鄧貝瀘孟五鎮節度
使皆以廉儉簡易稱未幾移鎮秦州廣政十年契丹犯中

原虜使齎偽詔至重建不勝其憤謂將吏曰吾事石氏二
主八擁旄節人臣之榮已極矣豈能交臂以事戎狄乃斬
其使以秦成階三州歸款于我昶遣石千牛衛上將軍李
繼勳馳往慰諭賜予甚厚加特進同平章事依前雄武軍
節度使時固鎮興鳳州未平重建悉經畧討平之昶大舉
兵北征遣張虔釗出大散關以重建為招討使由隴州路
以進師無功而還堅請入覲昶不許二十一年加兼侍中
卒年六十九卷一萬八千一百
三十六第十二頁

孫漢韶

漢韶太原人祖昉唐嵐州刺史父存進振武節度使漢韶
幼有器局風儀峻整存進尤愛之起家安定軍使知祥留
守晉陽屬蕃渾侵擾邊郡表令漢韶督軍進討莊宗知其

可用遂委以戎律大破虜寇擒獲甚衆以功授檢校右僕射蔡州刺史明宗即位遷彰國軍節度使觀察留後累遷昭武武定等軍節度使閔帝嗣位加特進漢韶以其父名上表讓之改檢校左僕射制曰改會稽之字抑有前聞換瓌寶之文非無故事及潞王入洛遂與張虔釗等奉表歸附及謁見與知祥叙汾上舊事及洛中更變相對感泣知祥曰豐沛故人相遇於此何樂如之於是賜第宅金帛供帳什物悉官給之授永平軍節度使昶襲位加同平章事明德三年入為匡聖馬步軍都指揮使廣政十年為山南節度使會何重建以秦階成三州歸附鳳州石奉顯堅守不通我使昶遣漢韶入城宣慰號令嚴肅秋毫無犯駐數日乃還加檢校太師雄武軍節度使後以疾乞解兵柄封

樂安郡王賜肩昇入謁卒年七十二漢韶忠勇有父風而重厚過之居藩閫皆有治迹始以去危即安委質于我頗竭股肱之力終保富貴識者多其淳慤

高彥儔

彥儔太原人少善騎射慷慨有大節知祥留守太原召為軍校從入成都授親衛指揮使昶襲位遷茂州刺史廣政十年秦州何重建以城降以彥儔領雄武軍節度使領衆守其城未幾召歸領右衛聖馬步軍都指揮使十八年周師攻秦鳳以彥儔為北路行營招討使與李廷珪呂彥琦率兵赴援與周師遇於唐倉大戰我師敗績彥儔保退青泥嶺周師遂克階成秦鳳等州彥儔歸成都昶釋不問改寧江軍節度使二十七年王師來伐分兵由峽路攻夔州

彥儔謂副使趙崇濟監軍武守謙曰北軍涉險遠來利在速戰宜堅壁待之守謙曰寇據吾城下而不擊將何待也乃獨領麾下千餘人以出時王師頓白帝廟西遣騎將張廷翰引兵與守謙戰我師敗走廷翰素勝登城彥儔整衆將出拒戰王師已乘而入彥儔力戰於城下不勝身中十餘鎗左右皆散去彥儔奔入府中反拒其門判官羅濟勸彥儔單騎歸蜀彥儔曰我昔已失天水今復不能守夔州縱不忍殺我何面目見蜀人乎濟又勸其降彥儔曰老幼百口俱在成都以一人偷生舉族何負今日止有死尔即解符印授濟曰君自為計俄而王師壞門彥儔挺劍拒之殺十餘人於是登樓縱火自然而死大將劉光人憐其忠蓋收其骨以葬焉

卷一萬八千一百三十六第十二頁

李廷珪

廷珪太原人幼慧黯七歲隸知祥帳下為給使從入蜀為牙軍指揮使征康延孝有功遷陵州刺史知祥征東川廷珪權領親軍以從董璋平轉資州刺史累改眉蜀二州昶襲位遷捧聖控鶴都指揮使領興元節度使歷雅遂閬三鎮加兼侍中廣政十八年周師攻秦鳳以廷珪為北路行營都統高彥儔呂彥珂為招討廷珪遣先鋒指揮使李進以兵據馬嶺分兵出斜谷營於白澗將腹背以攻周師又遣染院使王密領兵出唐倉與周師遇我師敗走王密死之而馬嶺斜谷之兵聞之皆退奔高彥儔與諸將謀退守青泥嶺由是秦鳳階成之地皆陷於周矣廷珪上表請罪昶釋不問明年來朝遷左右衛聖諸軍馬步軍都指揮使

仍分衛聖匡聖步騎為十軍以武寧軍節度使呂彥珂為之使並隸于廷珪二十八年王師拔劔門加廷珪太子太傅令從玄喆統兵以拒王師至緜州聞王昭遠趙崇韜之師皆敗玄喆懼退保東川翌日奔歸成都所過盡焚其儲蓄及王師入成都行營都監王仁贍按籍詰所在軍資將歸罪於廷珪廷珪問計於部將康延澤曰吾觀王公志在聲色苟足其欲則置之而不問矣廷珪素儉約不蓄妓樂遂求于姻戚家得女妓四人復假貸金帛直數百萬以遺仁贍繇是獲免歸朝為右千牛衛上將軍卒

王彥銖

彥銖太原人祖義方汾州長史父德誠贈太子少保彥銖性仁弱不好弄讀書究大義天祐中事知祥于太原後入

蜀累補節度押衙詔使李嚴之為監軍也密懷異謀知祥數其過命彥銖擒斬之嚴之左右無敢動者知祥破董璋擇腹心有權畧者俾護其軍於是彥銖為東川監押及建國轉授右僕射昶襲位歷蓬嘉雅三州刺史出為山南兵馬都監數載罷歸補左右羅城使眉州刺史遷昭武軍節度使轉右衛聖馬軍都指揮使罷歸改左金吾衛上將軍復授昭武軍節度使廣政二十四年卒于治所年六十五

李奉虔

奉虔太原人本姓王氏祖欽唐隰州刺史父存賢佐唐武皇累著功因賜姓李氏梁人攻上黨莊宗親總大軍以援之存賢先登陷州授盧龍軍節度使奉虔幼有才畧不循

小節年十四為幽州衙內都指揮使居父喪骨立數歲及知祥鎮蜀奉虔懇請從行補廳直左押衙明宗即位充貢奉使諸將進攻遂寧王師掩至劔門不守知祥命趙廷隱督兵往拒之署奉虔為兵馬監押時眾寡不敵人心動搖奉虔與廷隱率勵士卒竟敗王師以功授檢校右僕射昶龔位領嘉州刺史文思院遷右金吾衛大將軍為昭武軍都監屬夏秋多雨嘉陵江溢出城奉虔置堰開湍瀨二十餘處洩其蓄水築堤以護之城池克完人被其利授昭武軍節度自監護擁節旄自奉虔始人皆榮之入為左右街功德使卒年六十三

王昭遠

卷一萬八千一百三十六頁

昭遠成都人幼孤貧年十三依東都僧知諲為童子知祥

入蜀飯僧于府署昭遠持巾履從知諲得入時昶方就學見昭遠聰慧留給事昶左右昶嗣位以為卷簾使遷諸司使會樞密使王處回得罪乃以昭遠為通奏使知樞密事機務一以委之府庫財帛恣其所取不問未幾遷山南節度使判官張廷偉言於昭遠曰公素無勲業一旦位至樞近不自建大功何以塞時論莫若遣人致書通好并門令其發兵南下我即自黃花子午谷出兵應之使中原表裏受敵可坐有閔右之地則君之功無有出其右者昭遠然之乃言於昶遣人間行齎蠟書以往太原為疆吏所獲及王師來伐昶令昭遠韓保貞趙崇韜等領兵以抗王師昭遠好讀兵書頗以將畧自任始發成都昶遣宰相李昊等餞於郊外昭遠酒酣攘臂而言曰是行也非止克敵當以

此數萬彫面惡少取中原如反掌爾及行執鐵如意指揮
軍事自方諸葛亮時王師已破劔門昭遠大惧俄與王師
遇於漢源趙崇韜布陣將戰昭遠據胡床不能起崇韜敗
乃免胄棄甲走投東川為追騎所獲送闕下授左領軍大
將軍開寶中卒

卷一萬八千一百
三十六第十七頁

安思謙

思謙并州人幼事知祥於太原以勤恪聞知祥入蜀補為
軍校昶襲位頗見親信歷簡邛彭三州刺史奉鑿控鶴馬
步軍都指揮使武泰軍節度使未之任改左匡聖馬步軍
都指揮使山南節度使時鳳翔監軍王景崇以城歸順命思
謙率兵應接且畧地關中會漢兵圍鳳翔燒其雙門景崇
遣使來求救昶遣思謙及韓保貞等率兵救之兵次右界

漢兵屯寶雞城思謙令保貞分兵趨隴州逼沂陽以分其
勢又遣先鋒將申貴等分兵走摸壁設伏時家林貴以數
百人晨壓寶雞列陣以誘漢兵漢兵爭出戰貴偽遁漢兵
逐之為伏卒所擊退入寶雞城思謙次渭水將引軍濟會
羅睺保義軍與東相應掩我不備多殺士卒而漢兵復振
思謙與諸將議曰糧儲將盡而賊勢且盛不如釋之以圖
後舉遂班師十二月景崇又來告急昶復督思謙令進兵
思謙請先運糧四十萬斛然後進軍昶覽表不悅謂左右
曰古之良將因敵取資近者契丹以數十萬衆入中原豈先
事飛輓耶揣思謙此意必不為朕進取也乃發興州乾渠
渡糧食及山南諸倉米數萬斛屯鳳州以益之思謙不得
已遂進次大散關申貴以所部先進擊漢兵燒箭筈寨毀

閣道遁去貴盡銳追之及安都思謙進軍玉女潭又殺漢兵十人漢兵退屯寶雞城思謙駐軍摸壁時保貞之師攻隴州不能下思謙遂遷延不進會漢兵陷鳳翔景崇死乃班師上表待罪昶釋不問召歸移鎮閬州仍留宿衛思謙以受任無狀為物議所薄頗不自安昶既誅張業官禁門衛悉加嚴警思謙以其疑已頗惡之言多悖慢三子宸嗣裔恃父權恣橫國人畏之會翰林王藻乘間奏思謙出怨言將圖不軌昶懼翌日俟其入朝伏壯士擊殺之并其三子廣政十七年也

卷一萬八千一百三十一頁

焦彥賓

彥賓字英服滄州清池人父軫唐兗海節度使彥賓少聰敏多智略事後唐武皇尤所委信及莊宗即位遷左監門

衛將同正四方館使出護邢州兵知祥移鎮成都詔以彥賓為監軍使與知祥同入蜀康延孝據廣漢彥賓說知祥令名董璋與之協力討賊遂擒延孝明宗即位忿閻豎輩怙勢擅權先朝使四方及逃遁不出者皆就戮之死者殆盡彥賓為知祥保護獲免朝廷因以李嚴代之彥賓辭疾不歸朝知祥因令判都提學院事未幾轉右驍衛上將軍以年老乞代從之彥賓乃營別墅鑿池沼植蒲葦養魚以自給昶位以先君舊友命全給俸祿而不令覲謁俾遂其性廣政十五年卒年七十八

卷一萬八千一百三十六頁

趙進

進定州人少以膽勇隸天雄軍籍時河北宿兵進累戰有功洎莊宗入洛猶在行間屯于清廩祿既薄又不時給士

卒多怨憤思亂者十七同光末身本軍皇甫暉等共推副
趙在禮相率夜犯鄴城城中士卒莫有鬪志進等因陷其
城未踰旬兵數萬在禮署進衙內都虞候三城巡檢使莊
宗遣元行欽以其言聞因詔明宗馳往招諭及入城乃共
推戴遽有洛中之變天成初除貝州刺史鄴都衙內指揮
使明年移典寧州屬慶州叛遣進討平之遷雅州刺史知
祥入蜀進來謁謁知祥以進始謀叛逆將謀之進大惧趙
季良諫曰莊宗季年天下思亂匪獨貝魏一境公國之懿
親所宜責以干紀加其顯戮進自知必死歸命於我所宜
撫納以責其後效知祥納之董璋之亂我師致討進戎服
謁見而言曰進荷明公不殺之恩今日有所報矣請前蹈
白刃決命破賊乃署為前鋒監陣使先登立功璋平轉左

衝山指揮使昶襲位歷忠鳳邛普四州刺史右匡聖步軍
都指揮使所至軍政修舉戍卒有疾苦者必撫問周悉當
盛暑涸寒未嘗勞役士卒以此樂為之用廣政十七年督
部兵戍漢中逾月以疾聞召還卒於道年六十一卷一萬
百三十六
第十八頁

石處溫

處溫萬州人本波斯之種仕前蜀為利州司馬同光中知
祥入蜀補萬州管内諸壇點檢指揮使率義兵同收峽路
時通州大將王允瓊侵擾邊鄙及草寇杜景溫劫東鄉豪
殺縣令牟孟剽掠戶口焚燒村落處溫與諸軍討平之知
祥遺書褒美轉寧江軍節度都知兵馬使萬州管内義軍
都指揮使昶襲位遷獎州刺史處溫初據石市招納亡命

遠近多歸之由是廣事耕墾常積穀數十萬石前後累獻軍糧二十餘萬石加之以寶貨昶嘉之加檢校司空未幾授萬州刺史移簡州卒年八十三卷一萬八千一百三十六第十九頁

孟思恭

思恭字近禮潁川人父彥暉嘗為許州獄吏前蜀王建嘗隸忠武軍坐事被繫謂彥暉曰卿能免我他日將厚報彥暉遂縱之令去及建霸蜀遣使迎之授簡州刺史遷漢州團練使思恭弱冠竒峭猿臂善射起家保信軍使建嘗集文武射苑中思恭屢中的建大悅賜衣服以其女妻之為附馬都尉累遷靜塞軍團練使王衍罷位為北路行營都指揮使知祥鎮蜀以其宗姓補先登指揮使以所部兵從董璋遣思恭分兵討集州誡之曰賊少則與戰賊衆則

退守要害我將濟師及遇賊思恭與之戰不利退求濟師璋怒放思恭歸知祥免之明年隨趙廷隱破璋於雞蹤橋以功改清遠指揮使昶襲位加檢校司空改雄義都指揮使屯梓州累遷飛棹都指揮使歷劔階忠三州刺史思恭有膽畧善撫士卒廣政二十年為峽路行營都指揮使屯赤英山時秋暑未退思恭苦熱食冷物浴寒水致疾卒于任年七十二卷一萬八千一百三十六第十九頁

申貴

貴潞州人弱冠有勇力初事李彥琦為帳下卒天成中歸于知祥累補定遠都頭從征伐身當矢石深為諸將之所推許改決勝耀武指揮使昶襲位遷右衛聖都指揮使歷

九國志卷八

東漢

蔚進

宋路振孫

進太原人少有膂力身長七尺日行二百餘里高祖鎮并
汾進以材官給事及高祖領軍令負羈勒開運末南行留
進於太原為崇翊衛即受馬步軍指揮使鈞龔位領建寧
軍節度使典親軍如故繼恩監國郭無為授詔輔導世子
無為與進不協出為代州刺史時無為專政繼恩潛欲圖
之進知其必亂自以居親衛之地頗懷危慮及有中山之
命忻然即路未幾繼恩遇弒國人皆以進為先見以城納
款歸朝授左衛大將軍領檀州刺史卒年七十二進無他
能惟掌兵方嚴所至不敗事劉氏四主以質直聞歸老中

國祿二千石亦武夫之終吉也

卷一萬八千一百三十七第二頁

張元徽

元徽邢州武安人少以沈勇隸本城為兵累轉至列校高祖鎮并汾召置帳下累從征討有功晉開運末破契丹於三交以功授代州刺史歷雲州防禦使遷代州與崇素相友善及崇建號領侍衛親軍遷武寧軍節度使崇舉兵南下將圖周室以元徽為先鋒與周師遇于巴公原元徽以東軍先登陷陣擒監軍使一人降其步卒千人而旋崇大褒賞之元徽乘勝復入馬倒為周師所擒殺之其麾下十餘騎畢力血戰奪其尸而出俄而崇衆亦敗先是前鋒兵將次巴公一夕營中刁斗皆噉元徽亟遣詣崇大寨易之凡易數十皆噉而不可擊因以白崇怒曰故要吾金鈿耶

遂止是夜有大星墜元徽營中明日果敗元徽沈厚有將帥材善撫士卒輕財好施雖爵祿豐厚而家無餘貲既而軍吏為立廟晉陽城西北隅塑其像歲時祀之見者必掩泣

卷一萬八千一百三十七第二頁

鄭進

進開封陽武人身長七尺餘翹勇多力漢祖鎮并汾以材官給事累從征討有功即位遷侍衛步軍都指揮使鈞龔位以先朝勲舊賜予彌厚進性慷慨重然諾好施家無餘貲繼元立馬峯典機密性鄙吝與進不協峯怒悉奪其兵柄進不堪辱詬之於朝繼元怒翌日送定襄安置遣人殺之於路

卷一萬八千一百三十七第三頁

衛儔

儔吐渾族人少事鈞為蕃落小底善騎射驍果絕倫明書
計通六蕃語鈞罷位遷如京使令專掌吐渾一軍以從征
討所向多克捷虜援兵每至即遣儔居前鋒軍中凡佈列
烽燧措置寨柵皆儔為之繼元立為闡人衛德貴所嫉出
為遼州刺史吐渾數千人遮道請留繼元不許自是一軍
失帥不復可用矣儔少長蕃中不樂為郡頗出怨言繼元
慮其為變潛遣人殺之

卷一萬八千一百
三十七第三頁

李隱

隱鴈門人少以驍勇隸綠河十寨善騎射有膽畧鈞襲位
以軍功擢授馬步諸軍都引進使累從征討性純直未嘗
曲事權要衛儔出知遼州隱惜其忠勇為倖臣所逐頗憤
惋形於言德貴聞而惡之白於繼元即日送嵐州安置未

幾殺之

卷一萬八千一百
三十七第三頁

三月丙戌遇弒年
 二月四日遇弒年
 中宗二年為應乾元封晉王既弒玠遂嗣位改光天
 聖明孝皇帝廟號中宗諡曰昭武光
 後主名銀已襲位初名繼興封衛王乾和十六年二
 月辛巳襲位初名繼興封衛王乾和十六年二
 月彭城郡公封恩赦為大寶元年十四年八
 進封師入城降封恩赦為大寶元年十四年八
 三月封彭城郡公封恩赦為大寶元年十四年八
 歸葬于韶州之越王山云初進衛國公五年薨年

九國志卷九

南漢

劉弘操

宋路振撰

弘操字貞度龔第九子洪澤之母弟也幼知書及長有識
 量大有中封萬五十一年吳權攻交趾皎公羨求救於龔
 龔欲乘其亂而取之遣大將梁克貞率兵南下龔自護其
 軍以洪操為靜海軍節度使封交王令統眾趨白藤時吳
 權已殺公羨而據交趾親率眾來逆戰先於海口多植捷
 檣悉銳其首以鐵冒之潮水方漲權乘輕船引兵挑戰洪
 操逐之湏臾潮退戰艦為捷檣所絀士卒皆覆溺死者過
 半遂擒洪操殺之

劉弘杲

卷一萬八千一百
 三十七第六頁

母南儀謝氏名宜清梅高
祖大有十的年遷太尉工
郭信印靈有富係謝宜
清者太為林清如吳越
謝宜清係南儀正不名
与弘景母曰名姓高祖
皇后馬衣又太妃趙氏
不向有所謂南儀謝氏
其南儀或尚似字祇可
特按高祖存祀

弘景字日宣龔第十子母南儀謝氏名宜清有寵弘景十
歲封循王好步鬪復便弓馬以膽勇聞諸兄皆尚儒學或
勸令讀書弘景曰我家立功立事皆起馬上獨使我老一
經乎龔以兵書教之遂畧通義光大初循州賊張遇賢自稱
中天八國王擁眾數萬攻下郡邑弘景請統眾討賊玠以
其尚幼不許弘景曰兵法尚變不尚齒也因令越王為都
統弘景副之次錢帛館軍士方食賊眾奄至洪景率親信
數百人介甲躍馬徑入賊中殺數十百人賊為之少怯俄
而越王領眾繼至與賊大戰自辰及午賊眾益盛圍我師
數重矢下如雨軍人多死弘景矢盡挺劍力戰流血滿袖
裨將萬景忻等蒙以大楯翼二王以出賊亦解去弘景以
戰功授挂州觀察使未幾與晉王同謀篡殺應乾初為諸

存傳作譚令裡

道兵馬副元帥參政事晟初立國中謗議騰沸弘景請歸
罪於劉思潮等晟不從反為思潮等所譖以弘景謀為亂
晟遣思潮偵之一旦弘景與親信飲酒第中思潮與譚令
裡領衛兵排闥而入斬其首以徇卷一萬八千一百
三十七第五頁

蘇章

列祖世家作譚弘記

章封州人少事隱為牙將性忠厚有勇力從征譚弘璣盧瑯
有功薛王奏署衙內馬步軍都指揮使從隱討盧延昌於
韶州隱率舟師出雙石會天大霧昏暝如夜韶人四出以
鐵纜繫巨鈎投隱艦中士卒驚撓章引弓射殺數人以巨
斧擊鈎鈎皆斷折纜不能施韶人乃退翌日進逼其城城
上望樓中有人罵隱言頗穢褻隱慚甚不敢視左右章伏
施樓中引弓射罵者應弦而斃舟中皆鼓譟時江水暴漲

自清遠峽以北湍瀨尤惡糧運不繼會延昌父光稠自虔州擁兵來援隱與戰屢敗乃班師韶人以兵襲我後遂捨舟而徒士卒不成列隱馬斃章以所乘馬援隱因徒行為後殿韶人不敢逼以功遷封州刺史充左右街使襲龍位命章典禁衛諸軍白龍中楚人舉舟師來伐圍封州敗我師於賀江溺死者千人襲乃遣章領神弩軍三千人戰艦百艘援之章至賀江沉鐵索水中兩岸設巨輪以挽索築連堤以隱之伏壯士堤中章以輕艦逆戰佯不利楚人逐之堤中挽輪舉索楚艦不能進退乃以強弩夾水射之楚人殲焉收戰船百艘以歸遂解封州之圍以功遷團練使章子五人俱為中郎將豪俠任氣所為不軌番禺號為五郎將章年老不能致訓會有告其謀叛者逮捕下獄悉斬

之章以功得不坐慙悸成疾大有十年卒

卷一萬八千一百三十七第三

吳懷恩

懷恩番禺人事襲為內府局丞性謹愿典宿衛二十餘年未嘗有小過玢襲位遷內常侍玢好宴樂東西兩教坊伶官千餘人常晝夜出入官中懷恩屢言於玢曰今禁中自有簫韶府內樂百餘人皆善音律夜宴用此足矣焉用教坊若夜雜入禁中不拘闌籍恐姦人竊發不可不慎玢不聽未幾果為陳道庠所弑晟襲位授官闡諸衛押番乾和六年加開封府儀同三司西北面招討使與指揮使吳恂領兵侵楚親冒矢石半歲間取梧州六州之地以功加濮陽縣公大寶中王師取柳連銀俱以懷恩為桂州團練使

封字衍
授吳恂傳改

令治戰艦懷恩馭下方嚴臨事精至每舟成必自臨視材
有良窳不等及制度疏畧不如法者必榜役工役者多怨
之又造龍舟十以備銀親征舟成懷恩以綿幕其手徧捫
鉤楯匠區彥希在側運斤斬之首墮船中左右皆驚走後
數日擒彥希斬於市懷恩治兵嚴整所至輒有功及被害
國人憂之卷一萬八千一百
三十七第五頁

陳道庠

道庠潁川人父璫唐末避亂於封州力絕人隱聞其忠勇
召至帳下隨隱入廣州遷雄虎將軍卒道庠幼俊爽起家
為虎賁郎翹果有父風大有末給事晉王府龔疾亟命以
道庠為元帥府馬步軍都指揮使光大初張遇賢起循州大
掠郡邑道庠與萬景忻從越王循王東征遇賊錢帛館賊

本傳作端州人

圍之數重自辰及午我師殆盡道庠與景忻奮劍大呼殺
十餘人賊衆披靡於是掖二主而出玠既立所為不法疑
群弟圖己每宴集則令官守閤供奉將吏悉露索而後
入及晟將為亂謀于道庠玠好角抵道庠因引多力者劉
思潮等數人習角抵於晉王府中玠聞而悅為翌日大置
酒長春宮召角抵與諸王觀之至夕玠大醉既罷晟遣道
庠等掖之因拉殺玠血濺寢門左右皆散走晟立以道庠
為功臣領英州刺史出入宮中賞賜優厚既得志頗誅殺
勲舊功臣劉思潮等皆相次被誅道庠不自安特進鄧仲
與璫有舊嘗遺道庠漢紀問其意仲咤曰慙獠此書有韓
信彭越事審讀之道庠大惧遂謀亂事未及發而晟覺之
乃收道庠仲下獄翌日同斬於市悉夷其族卷一萬八千
一百三十七

特進鄧仲與璫有舊
按仲父璫與陳道
庠為同友也道庠父
名璫也按仲傳

邵廷珩

廷珩循州人幼為黃門給事禁中言論峭直與群閹異及長有文武材幹博覽書史尤善騎射玠襲位為內謁者遷內府局令總宿衛兵軍務嚴整尤重儒士有自遠方來者廷珩必先見之為具貲糧而後引薦多被任用大寶中遷內常侍時銀春秋已長而未知稼穡荒於游宴人心危懼廷珩每從容言曰男兒十五奪父志今宗社安危繫於陛下願加檢慎銀建禹餘宮在城東南六十里山水奇絕銀避暑多往焉廷珩雅所愛尚因請解兵職願為官使銀從之而令典兵如故廷珩以諸戎器不甚犀利弓弩不能及遠甲鎧銷薄不可以禦大敵乃為樣親督工匠造之累言於

沉口
中國春秋南漢
 世家及本傳俱
 作沈口

銀曰中國亂離久矣我先朝乘其間故有南越之地五十年來嶺表無事師之耳目不識旗鼓今中國已有真主陛下未嘗遣一介之使馳咫尺之書珠貝犀象瑇瑁翠羽積於內府歲久而不可較陛下未嘗以修聘一旦兵至何以禦之銀憤然不以為慮七年王師克郴州招討使暨彥贊戰死王師乘勝取連州銀始懼乃加廷珩開封儀同三司東南面招討使以舟師屯沉口王師既退廷珩循撫將士招輯止叛境上肅然稱為良將因繕治兵甲親加訓練將復柳連會同列者嫉之投匿名書言廷珩將圖不軌銀信之遣使賜廷珩死士卒排軍門爭入對使者哀訴言廷珩無反狀請加考驗弗許軍民冤痛為立廟於沉口至今祀之

潘崇徹

崇徹南海人事龔為內侍省局丞頗知書有鈐畧乾和中
晟遣崇徹率兵攻郴州時江南將邊鎬據湖南發兵來援
相遇于義章崇徹令步將康崇保分兵為兩翼以掩賊江
南兵大敗遂克郴州明年潭州節度使王逵率兵五萬來
復郴州晟遣崇徹領眾赴之與逵遇於壕石逵軍遠來罷
乏不成列崇徹登塚而望喜曰此成擒也乃縱兵擊之潭
人大敗逵僅以身免桂州吳懷恩為部下所殺遣崇徹代
領其眾加西北面招討使歲餘以飛語見疑於張遣崇岳
來覘其軍戒之曰崇徹果有異志即就誅之崇岳至崇徹
知其意悉以所部兵自衛以見崇岳不敢發還以白張曰
崇徹日夕領伶官八百餘輩並衣錦繡吹玉笛為長夜之飲

本紀作曠

平國李秋臣大將
吳懷恩伐桂州平
之臣而懷恩名端
宿衛命崇徹代
任与此互異

本傳有八字

薛崇舉

宗鑑作三象宗史作
五象

不恤軍政張方怒會崇徹單騎來歸束身請罪張釋而不
問但奪其兵柄自是常快及王師圍賀州刺史劉守忠
告急於張召大臣議皆請以崇徹領兵以拒王師崇徹難
之辭以目疾張怒曰何須崇徹伍彥柔獨無方略耶乃以
彥柔代領其眾彥柔至賀州為王師所擒賀州陷張憂迫
計無所出乃加崇徹內大司馬步軍都統領眾五萬屯賀
江會王師徑趨韶州崇徹但擁眾自保不為之援王師渡
馬徑崇徹請降從張歸朝太祖知其事特赦崇徹以為汝
州別駕卒卷一萬八千一百
三十七第四頁

郭崇岳

崇岳番禺人官媪梁鸞真之養子也幼為閹人以慧黠聞
乾和中為內侍監張襲位遷內侍中大微宮使大寶十二

年王師來伐都統李承渥以全師出韶陽為王師所敗張
震駭願諸將無可使者鸞真即薦其子可用乃以為招討
使與大將植廷曉統眾六萬守馬遙去番禺裁百餘里時
王師已過隴頭翌日入馬遙去我寨十里游騎據雙女山
直瞰我軍頻摩壘挑戰崇岳本無將材所統之眾皆韶英
敗卒絕無鬪志廷曉欲出戰崇岳不從但堅壁自守晝夜
禱祠鬼神而已王師繼至廷曉謂崇岳曰北師乘席卷之
勢其鋒不易當也吾士旅雖眾然皆傷痍舊卒今不驅策
而前將坐受其斃亡無日矣於是領前軍據水而陣令崇
岳殿後禦其奔衝既而王師濟水廷曉力戰而死崇岳奔
入營王師攻之初一夕南風甚厲至是北風大起王師縱
火燒寨崇岳大敗死於亂尸之下

卷十一萬八千一百
三十七第五頁

黃仁諷

仁諷建州浦城人少有武幹隸本城為鄉兵以陣敵立功
累遷飛捷指揮使福州林仁翰殺連重遇送首於建安迎
廷政歸王閩中時唐兵壓境不果行遣仁諷護送從子繼
昌入守閩中以仁諷為福州在城鎮過使繼昌庸懦無取
下才人心不安會江南兵逼建安將吏知其必破上下思
亂仁諷因之遂與李仁達陳繼珣等同謀殺繼昌而自立
廷政大怒收仁諷妻子戮於市發兵討之時仁達已推立
卓儼明令仁諷為城西門軍帥以扞建兵仁諷知妻子已
戮臨敵不顧出入奮擊建軍大敗退而謂繼珣曰忠信仁
義士之所守也舍此無以立吾頃在建安嘗攻伐今見利
忘義不能慎守晚節是不忠也富沙托子於我曾不營救

卓儼明作卓儼明據此
占五代史以越後史序
作紀傳五國都子並作
儼明別作巖以據登連
國圖錄

中道而變是無信也與建軍對敵所殺者皆鄉曲故人是
不仁也棄其妻子使為魚肉是不義也此身十沈九浮旦
夕歸地下何面目以見之因拊膺而哭繼珣曰大丈夫殺
身殉名何顧妻子且置是事無輕泄也建軍既退左右以
其言白仁達翌日擒斬之并殺繼珣

卷一萬八千一百
三十七第七頁

許文稹

出入閩或入南唐

文稹泉州同安人少事審知為給使累歷內職昶襲位遷
文思院使延義立改金吾使率兵屯臨汀未幾授汀州刺
史朱文進竊位以其黨黃紹頗守泉南而臨汀亦叛以應
文進留從效殺紹頗以其首送建安文稹懼乃諭郡人歸
款於延政加太尉兼侍中為治嚴整賞罰必當吏民畏而
愛之江南兵圍建州遣將時厚卿分兵攻汀州文稹率眾

本傳作延義

拒戰擒厚卿遣歸金陵因上表謝罪及建州陷明年文稹
率軍更赴金陵璟復以為汀州刺史未幾改蘄州召歸授
建州刺史周顯德中王師圍壽春潘承祐薦文稹有武幹
璟令統兵數萬屯紫金山為周師所破擒文稹世宗釋不
誅璟割地歸欵世宗放文稹歸璟以其失律不復用歸同
安坎壘而卒

卷一萬八千一百
三十七第八頁



